



Publicaziuns dalla vischnaunca, jamna 41

Damondas da baghegiar

Datum da publicaziun: ils 12 d'october 2012 Nr.

2012-1052/2

Il patrun: Silvio Steger, Via Sogn Gions 17, 7180 Disentis/Mustér

Il representant: Aluis Huonder, architect dipl. FH SIA Via da scola 18,
7180 Disentis/Mustér

Object: Adattaziun dil project: Construcziun d'ina casa nova e dislocaziun dil baghetg
d'economia, parcella 334, Pardomat, 7180 Disentis/Mustér

Nr. 2012-1063

Ils patrons: Otmar ed Emerita Flepp-Degonda Via Alpsu 37, 7180 Disentis/Mustér

Il representant: Aluis Huonder, architect dipl. FH SIA Via da scola 18,
7180 Disentis/Mustér

Object: Sanaziun dallas localitads da fatschenta e construcziun d'ina nova habitaziun,
parcella 595, Via Alpsu 37, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damondas da baghegiar ein d'inoltrar a scret enteifer 20 dis alla instanza da baghegiar, caum postal 57, 7180 Disentis/Mustér. La protesta sto esser motivada e sut-tascretta dil recurrent ni da siu representant.

Disentis/Mustér, ils 9-10-2012

Uffeci da baghegiar Disentis/Mustér

Elecziuns communalas 2012

Discussiun al podium

En connex cun las elecziuns communalas diils 28 d'october 2012 vegn organisau ina discussiun al podium cun ils dus candidats ufficials pil presidi communal Francestg Cajacob e Linus Fry.

Cu: Venderdis, ils 19 d'october 2012 allas 20.00

Nua: Halla Cons, Disentis/Mustér

Moderaziun: Hans Huonder, redactor

Il moderatur presenta ils dus candidats e meina cun els ina discussiun. Silsunter vegn dau la pusseivladad da tschentar damondas.

Cordial invit a tuttas votantas e votants

Gruppa preparatoria per las elecziuns communalas

Controlla da bulius

Dumengia, ils 14 d'october 2012 naven dallas 17.00–17.30 ha liug avon l'entrada dalla casa da scola nova a Cons ina controlla da bulius. La controlla ei gratuita e succeda entras il controllader Egmont Heisch da Cumbel.

Organisau d'ina gruppa d'interess



Gasetta «Nossa scola»

Duas gadas ad onn rapportein nus ella gasetta «Nossa scola» davart las activitads dalla scola. Vus anfleis la pli nova edizium sin nossa pagina d'internet www.scoladisentis.ch.

Bien divertiment tier la lectura ...

Kai Hinrichsen, meinascola Mustér

Exposiziun da fotografias, 100 onns Cuera–Mustér

Mo pli tochen la fin d'october ei l'exposiziun da fotografias sigl **areal dalla staziun da Mustér** aviarta, quei mintga di dallas 9.00 entochen las 18.00. L'exposiziun da fotografias sesanfla en dus cars da viafier, il liug ei signalisau naven dalla posta Muster. «La viafier essan nus» muossa tut ils luvriers dil transport public a Muster, «La construcziun dalla viafier 1912» dat il maletg davart las lavurs da construcziun dalla viafier ed era dil contuorn da Muster e ses uclauns entuorn 1912.

Entrada gratuita! Profitei dalla davosa pusseivladad!

CO president 100 onns Cuera–Mustér, staziun Mustér, Ch. Berger

Club d'unihoc Desertina Bulls Trenaments per juniors/as e kids

Suenter las vacanzas d'atun entschevein nus culs trenaments per in e scadin che ha plascher dil sport d'unihoc. Quels cuozan entochen las vacanzas da primavera.

Entschatta:

juniors e junioras: mardis, ils 23-10-2012

kids: mesjamna, ils 24-10-2012

Trenaments:

juniors: mintga mardis dallas 18.00–19.30

junioras: mintga mardis dallas 18.15–19.30

kids: mintga mesjamna dallas 18.15–19.45

Prender part:

juniors: buobs dallas annadas 1997–1999

junioras: buobas dallas annadas 1997–2001

kids: buobs dallas annadas 2000–2005

buobas dallas annadas 2002–2005

Liug: halla dil center da sport Mustér

Annunzias: Flavio Steger (tel. 076 477 40 41) ni e-mail: juniors@desertinabulls.ch.

Ei fagess plascher d'astgar beneventar biars affons plein motivaziun a nos trenaments!

Club d'unihoc Desertina Bulls

Uniun da costums da Mustér

Mardis, ils 23 d'october 2012 entschevein nus cun ils exerchezis da sault pigl onn 2012/13. Ils exerchezis han liug mintgamai il mardis allas 20.15 ell'aula dalla casa da scola a Cons. Novs commembers e novas commembras ein cordialmein beinvegni. Nus havein era plascher sch'in u l'auter vul mo far ina viseta per emprender d'enconuscher noss'uniun.

Cordial beinvegni fan commembras e commembers

dall'Uniun da costums Mustér



Uniun samaritana Mustér

Trenament BLS-AED

Teoria e trenament tenor las novas directivas: **gliendisdis, ils 22 d'october 2012** en casa da scola Muster, local Samaritan **1. gruppa 19.00–20.00 / 2. gruppa 20.00–21.00** Envidai ein tuts che han absolviu in cuors da BLS-AED. Era buca commembers dall'uniun ein cordialmein beinvegni, ein denton supplicai da s'annunziar tier: Yvonne Flepp, 081 947 50 35, yvonne.flepp@kns.ch

Societad da tir Desertin Club da Pistola Cadi

envidan al tir final Sonda, ils 13 d'october 2012 dallas 13.00 tochen ca. allas 16.00.
Silsuenter vegn purschiu ina tscheina.

Cordialmein envidan *las suprastonzas*

Fiera medelina

Mira sut Medel/Lucmagn.

Uniun da tratga da biestga Cadi

Exposiziun da genetschas mira sut Breil.

Lescha davart las taxas turisticas LTT, discussiun da podium publica a Mustér

Mira sut Surselva.